

ISƏTƏLASI TƏM TAKƏLAYA Kütübtü

Tə naaki takəlaya kanə ka taa sı, Pəesi wulav səsə Silusi hawa Yuta nyəma ke nəğə sı, pá məli pa tē Yosalem. Ye pa məlaa ile pa tayanı ηmav ke Isə təsele. Ama Yuta nyəma kolontunaa laηa ta həena Isə təsele n̄té tə tayanuyü.

Takəlaya kanə ka taa seγesuyü səsəwü leηkū n̄té sı, Isə yəlaa í layası layasuyü maγamaγa. İlena pá kaası na pá tó t̄ntē k̄pante.

Isəna pa faya Isətəlası takəlaya tə:

Yuta nyəma məlvüγü kancaalaya nyəm, titite 1–2

Isə təsele tayanuyü na tə t̄lvüγü, titite 3–6

Isətəlası na Yuta nyəma lelaa pa məlvüγü, titite 7–10

Wulav Silusi ha nəğə sı pá tayanı ηmáv ke Isə təsele

¹ M̄p̄ȳú Tacaa t̄v ı taa sı ı yoosiγi t̄m n̄ti ı ka yəğətəna Isə k̄ȳəğət̄t̄v teləsəlv̄ Selemii nəğə t̄əğə Pəesi wulav səsə Silusi kawulaya p̄naya kancaalaya nyəηka taa. İlena Isə t̄v Silusi taa sı í k̄paalı ı kawulaya taa na pá ηmaa takəlası taa sı, ² Pəesi wulav Silusi yəğət̄aa sı: Isət̄aa Isə Tacaa t̄vna ma niη taa ké antulinya t̄əna kawulası, na í t̄v-m sı má tayanı ηmav ke ı təsele ke Yuta t̄t̄v taa ké Yosalem. ³ Mə taa m̄pa pa k̄ena ı yəlaa taa lelaa? Isə í w̄e p̄nt̄vnaa waalı na pá polo Yosalem ke Yuta na pá ηmá Tacaa İseγeli Isə ké t̄əγaya. Isə m̄ı ı w̄enna Yosalem. ⁴ Timpi timpi İseγeli nyəma w̄e t̄ə, pá nyəma í ha-w̄eγe liγitee

na wula na wontu lentı na təla, na luyı kolumuyı kucəwə na pə pona Yosalem na pə tayanəna İso təseelə ke ηmau.

⁵ Məpəyü Yuta na Pencaməe pə lələn nyəwə nyəma, na kətəlaa na Lefi nyəma, na pa tənə mpa pa taa Tacaa İso ka towa sı pə polo Yosalem tə pa suu pa təyi tayanuyı sı pa təkı. ⁶ İlena pa cələ nyəma ha-wəyge nyəğəluyı kupaŋku na wula pə wontu, na wontu kupantu lentı na təla. İso təseelə nyəntu nti paa hana luyı kolumuyı tə tə paasi.

⁷ Məpəyü wulav səso Silusi kota Tacaa kətaya wontu na í mələna Yosalem. Nepukanəsaa ka kuuna-təyi İso təseelə na í sı-təyi ı maɣamaɣa ı tuyı kutuluyı taa. ⁸ İlena wulav heeli kpancoou təwə nyənıv Mıtəletatı sı: Cəla wontu ntəyi Yuta nyuyı tı Seesepasaa. ⁹ Wontunaa mpa ı cəla-ı təyələ wula pələntənəa hiu na naanowa na liyitee nyəğəluyı nyəma ke iyaya (1000), na seesi ke pəyələyafəi hiu na naanowa. ¹⁰ Na wula cəmsənəa ke hiu na naanowa, na liyitee nyəğəluyı tən nyəŋku cəmsənəa ke nasələ na naanowa (410), na wontu lentı ke iyaya (1000). ¹¹ Pə krenta wula na liyitee nyəğəluyı pə wontu ke iyisi kakpası na nasələ (5400). Məpəyü Seesepasaa na lələa pa kpaɣa wontu nti na pə məli Yosalem.

2

İseyeli nyəma mpa pa luna Papiloni tə pa həla

¹ Yuta tətı həyəluyı nyəma mpa wulav Nepukanəsaa ka kuuwa tə pa həla ntə. Pa taa pəyələ mələna Yosalem na Yuta tətı taa, paa wei ké ı ıcatə taa. ² Mpa pa kpaɣa-wə na pə mələna təyələ Solopapəeli, na Yesuwa, na Nehemiya, na Səlaya,

na Lelaya, na Motokayi, na Pilisaŋ, na Misipaa, na Pikifayi, na Lehum, na Paana. Iseyeli ləlvəŋ nyəma na pa yəlaa həla ntə.

³ Paləsi ləlvəŋ nyəma wə iyisi naale na nunəwa na nutoso na naanəwa na naale (2172).

⁴ Sefatiya nyəma ke ηmənəŋ na nunəwa na nutoso na naanəwa na naale (372).

⁵ Ala nyəma ke nasətoso na nunəwa na nutoso na naanəwa na kakpası (775).

⁶ Pahatı-Mowapə nyəma ke iyisi naale na nunaasa na naanəwa na naale (2812). Yesuwa na Yowapı pa ləlvəŋ nyəma nté.

⁷ Ilam nyəma ke iyaxa na ηmənəŋ na nule na naanəwa na liyiti (1254).

⁸ Satu nyəma ke nasənaasa na nunəwa na nule na kakpası (945).

⁹ Sakayi nyəma ke nasətoso na nunəwa na nutoso (760).

¹⁰ Pani nyəma ke nasətoso na nule na naale (642).

¹¹ Pepayi nyəma ke nasətoso na hiu na tooso (623).

¹² Asəkati nyəma ke iyaxa na ηmənəŋ na hiu na naale (1222).

¹³ Atonikam nyəma ke iyaxa na nutoso na naatoso (666).

¹⁴ Pikifayi nyəma ke iyisi naale na nule na naanəwa na naatoso (2056).

¹⁵ Ateŋ nyəma ke nasəle na nule na naanəwa na liyiti (454).

¹⁶ Ateə nyəma ke pələfəi nunəwa. Yehisikiya ləlvəŋ nyəma nté.

¹⁷ Pesayi nyəma ke ηmənəŋ na nunəwa na hiu na tooso (323).

- 18 Yola nyəma ke nınɔwa na naanɔwa na naale (112).
- 19 Hasum nyəma ke ηmɔnɔɣu na hiu na tooso (223).
- 20 Kipaa nyəma ke nınaasa na naanɔwa na kakpası.
- 21 Pətəlehəm ıcate nyəma ke nınɔwa na hiu na tooso (123).
- 22 Netofa ıcate nyəma ke nule na naanɔwa na naatoso.
- 23 Anatəti ıcate nyəma ke pələfei nınɔwa na hiu na naanɔwa (128).
- 24 Asəmafəti ıcate nyəma ke nule na naale.
- 25 Kiliyatı-Yeyalim na Kefila na Peeləti pa acaləe nyəma ke nasətoso na nınɔwa na nule na tooso (743).
- 26 Lama na Kəpa pa acaləe nyəma ke nasətoso na hiu na kɔlvɔm (621).
- 27 Mikiması nyəma ke nınɔwa na hiu na naale (122).
- 28 Pətəeli na Ayi pə nyəma ke ηmɔnɔɣu na hiu na tooso (223).
- 29 Nepo nyəma ke nule na naanɔwa na naale.
- 30 Makpisi nyəma ke nınɔwa na nule na naanɔwa na naatoso (156).
- 31 İlam ləlv nyəma ke iyaga na ηmɔnɔɣu na nule na naanɔwa na liyiti (1254).
- 32 Halim nyəma ke ηmɔnɔɣu nınɔwa na hiu (320).
- 33 Loti na Hatiti na Ono pə nyəma ke nasətoso na nınɔwa na hiu na kakpası (725).
- 34 Yeliko ıcate nyəma ke ηmɔnɔɣu na nınɔwa na nule na kakpası (345).
- 35 Senaa ıcate nyəma ke iyisi tooso na nasətoso na hiu na naanɔwa (3630).
- 36 Kətəlaa kpeka ntə. Yesuwa ləlvə nyəma Yetaya təesi nyəma wə nasənaasa na nınɔwa na nutoso na

naanəwa na tooso (973).

³⁷ İmē ləlvəy nyəma ke iyəya na nule na naanəwa na naale (1052).

³⁸ Pasehuu nyəma ke iyəya na nasəle na nule na naatosompəyəlağa (1247).

³⁹ Halim ləlvəy nyəma ke iyəya na naanəwa na naatosompəyəlağa (1017).

⁴⁰ Lefii nyəma kpeka ntə. Hatafəya ləlvəy nyəma Yesuwa na Katəməyəli pəle pa nyəma wə nutoso na naanəwa na liyiti.

⁴¹ İso təsele yonyoolaa ntə. Asafi ləlvəy nyəma wə pələfei nunəwa na hiu na naanəwa (128).

⁴² İso təsele nənəsi tanlaa ntə. Salum, na Ateə, na Taləmən, na Akupi, na Hatita, na Səpayi, pa ləlvəy nyəma wə pəyəlağafəi nunəwa na nule (139).

⁴³ İso təsele taa təma lataa səkpema ləlvəy nyəmə ntə Siha, na Hasufa, na Tapawəti, ⁴⁴ na Keləsi, na Siyaha, na Patən, ⁴⁵ na Lepana, na Hakapa, na Akupi, ⁴⁶ na Hakapi, na Samlayi, na Hanan, ⁴⁷ na Kiteli, na Kahaa, na Leyaya, ⁴⁸ na Lesən, na Nekota, na Kasam, ⁴⁹ na Usa, na Pəseyi, na Pəsayi, ⁵⁰ na Asəna, na Meunim, na Nefusim, ⁵¹ na Pakəpuki, na Hakufa, na Haluu, ⁵² na Pasiluti, na Mehita, na Haasa, ⁵³ na Paakəsi, na Sisela, na Tema, ⁵⁴ na Nesiya, na Hatifa.

⁵⁵ Saləmən təmlə lataa ləlvəy nyəma ntə Sotayi, na Sofeleti, na Peluta, ⁵⁶ na Yaala, na Taakən, na Kiteli, ⁵⁷ na Səfatiya, na Hatili, na Pəkəleti-Həsepəyim, na Ami.

⁵⁸ İso təsele taa təmlə lataa səkpema na Saləmən təmlə lataa ləlvəy nyəma kpeka nymənyəy nunəwa na nunaasa na naanəwa na naale (392).

⁵⁹ Mpa pa luna Pəpiloni ke Teli-Mela, na Teli-Hası

na Kelupı, na Atan, na İmee tə pa ta pəsi na pá keesi teu ke pa lülə nyóma na pa cəsənaa təm si pá hül si pa ké İseyeli nyóma. ⁶⁰ Pa təna paa ké Telaya, na Topiya, na Nekota pa lülə nyóma ké. Paa we nasətoso na nule na naanəwa na naale (652).

⁶¹ Kətəlaa ləlaa ka we ké isu mpa pa ta pəsi na pá hül si pa ké İseyeli nyóma tə. Mreyele Hopaya na Hakəsı na Paasilayi. Mpi pə tə pa yaakaya kantəkaya nyəh ineyə mpv təyəle si İ kraya Kalaati tv Paasilayi pəlaa taa ləlv. ⁶² Paa pəeka mpe unı pa həla ke kətəlaa nyəna taa ké pa ta na. Pə tə ké pa nyəna-weyε asilima nyóma na pá kisinawe si pá taa la kətəlaa təmle. ⁶³ Mpyúyú kufənee mayamaya kisinawe si pá taa təyε İə kuhav, haləna kətəlv nəyölv İ mayası wala pəe taka nna pa naakəna İə luyv nyəntv tə na í na na pəcə.

⁶⁴ İseyeli nyóma mpa pa luna Papiloni tə pa krenta iyisi nule na naale na ηmənuyv nunəwa na nutoso (42360). ⁶⁵ Pa taa kaləna təmle nyóma apalaa na alaa mpa paa we iyisi naatosompəyölaya na ηmənuyv na nunəwa na hiu na naanəwa na naatosompəyölaya (7337) tə. Pa taa ka we yonyoolaa apəlv nyóma na əlv nyóma ke ηmənuyv (200). ⁶⁶ Na krayanəh ke nasətoso na nunəwa na hiu na naanəwa na naatoso (736), na krayanəh kəpəsəh*fa* ke ηmənuyv na nule na kakpası (245). ^a we həkv na həkv ké. İ ta ké krayanv, pəcə İ ta ke krayaya. ⁶⁷ Yooyoonaa ke nasəle na hiu na naanəwa na kakpası (435), na krayası ke iyisi naatoso na nasətoso na nunəwa na hiu (6720).

^a **2:66** krayanəh kəpəsəh: Pa yoosa krayanv na krayaya na pə lül mpi təyε pa yaa mpv. İ

68 Waatu wei pa tala Yosalem timpi Isə təseəle wəe tə, ɪlena lələn nyəən nyəma lelaa ha kucəən na luyə kələmuyə sɪ pə ɪmana Isə təseəle ke tə lonte kəpənte taa. 69 Məpəyə pa hawa isəna pa pəsaa tə sɪ pə ɪmana Isə təseəle. ɪlena pə lu wola nyəətu iyisi nutoso na kələm (61000), na liyitee nyəətu kiloonaa iyisi naale na nasəle na nunəwa (2500). Na pə ha tətəyə kətəlaa capanaa nunəwa (100).

70 ɪlena kətəlaa na Lefi nyəma na mpa pa səhna Isə təma tə, na yonyoolaa na nənəəsɪ tanlaa na Isə təseəle taa təmlə lataa səkpema caya acaləe nna pa ha-wə tə a taa.

3

Yesuwa na Solopapəeli pa tayanəyi Isə sɛv

1 Məpəyə pə tala isətu naatosompəyələyə nyəh, ɪlena Isəyeli nyəma təna mpa paa məla acaləe taa tə pə koti nəyə kələmaya ke Yosalem. 2 ɪlena Yosataki pəyalə kətəlv Yesuwa, na ɪ tətənaa na kətəlaa lelaa, na Selatəyeli pəyalə Solopapəeli, na ɪ lələyə nyəma pa niki Isə kətəyə təlate ke ɪman sɪ pa lakɪ kətəsɪ nsi kəkə lusa sɪ təna tə, isu pa kəsəyə Isə yulə Moisi kiinj taa tə. 3 Paa na pa cələ piitimnaa caakaya-wəyɛ nyaasuyə tə, pa ɪmawa kətəyə təlate ke tə lonte taa na pə lakɪ Taca ke kətəsɪ nsi kəkə lusa sɪ təna təyə tə tə ke tanəh na taanaya. 4 Pə waalɪ kə pa təyə coka acima isu paa kəsəyə tə na pə lakɪ kətəyə ɪka kəkə lusa ka təna təyə təm isəna paa suwa paa kuyaku ɪku tə. 5 Pə kpayav waatu ɪnɪ təyə paa suv paa kuyaku ɪku kə kətəsɪ lapv ke tam, na nsi pa lakɪ paa isətu wei ɪ kancaalaya kuyaku tə, na Taca acima kuyəɛh nyənsɪ, na luyə kələmuyə nyənsɪ. 6 Mpu pə yelina na pə caalɪ

kətasi nsi kəkə lusa si təna təγə lapu ke Tacaa ke isətu naatosompəγəlaya nyəη kuyaku kancaalaya nyəηku wule, na pá ta tu suta Isə təsele kofate kite.

⁷ Pəle pə waalı ké pa caa təmlə nyəma si pá saakəyi taasi na pəe na pá feli-wε. İlena pá cela Sitəη na Tiii nyəma ke təγənaγa na kənyənyəəm na nim si pəle pá tilina-wεγe kpenkpelasi kupaηsi na tenku taa si pé tala Safaη. Pəesi wulav səsə Silusi hana-wεγe pə mpaav. ⁸ Məpəyú pa məla Yosalem taa, na pənaya naale nyəηka isətu naale nyəη siki. İlena Selatəyeli pəyalu Solopapəeli, na Yosataki pəyalu Yesuwa, na i tətənaa kətəlaa ləlaa, na Lefii nyəma mpa pa luna Papiloni tə, pa niki təmlə na pá ləsi Lefii nyəma mpa pa tala isu pusi hiu na waalı tə si pá paasəna Isə təsele ηmau. ⁹ Məpəyú Lefii tu Yesuwa na i pəyalaa na i tətənaa, na Hotafiya ləlvəy tu Katəməyeli na i pəyalaa pa kpenta nəγə na pá mu Isə təsele təmlə lataa paasənav. Na Henatati ləlvəy nyəma Lefii nyəma səna-wε.

¹⁰ Waatu wei Isə təsele ηmalaa su kite, İlena pá kəna kətəlaa na pá suu pa kətaya wontu na Lefii nyəma mpa pa ké Asafi ləlvəy nyəma tə na akantεε na cəməη na pá saη Tacaa isu İseyeli wulav Tafiiti ka suw tə. ¹¹ İlena pá saη Tacaa na pá puyələyi-i na pá yooki yontu na pá kaasəyi təma si: Tacaa wε teu, na i səlvəy ke İseyeli fεi tənaya. Məpəyú samaa ná puyəla-i tətə na kawilitasi səsəənsi. Mpi tə, pa su pa Isə təsele kite.

¹² Məpəyú kətəlaa na Lefii nyəma payale na ləlvəy nyəəη nyəma kəkpatəlaa mpa paa nyəma Isə təsele kəpənte tə pa wiiwa təkpuo ke saa wei pa təηna kofate kite ke suw tə. Ama ləlaa ná wilitaya ké na laηhuləmle

səsəəle. ¹³ Halı yulı u pəsəyi na í faya ləlaa laŋhulbmle na kawilitası na ləlaa wula. Mpi tō, pa makaya kapusi səsəənsı kə na pə nuki pooluŋ.

4

Yuta nyəma kolontunaa səŋsa Iso təsele ηmav

¹ Mpygú Iseyeli nyəma kolontunaa nuwa sı, Yuta na Pəncaməe pə nyəma kəmna Papiloni, na pá ηmaaki timpi paa sɛɛ Tacaa Iso tō. ² Uəna pá polo na pá maɣana Solopareeli na lɔlɔŋ nyəəŋ nyəma na pá tō-wɛ sı: Tá luɣu wɛɛ sı tə səna-mɛɣɛ Iso təsele h́tə tə ηmav. Ta maɣamaɣa tə seəkaya Iso kulbm inəyi na tə lakı-ı kətası ke hatoo kuyanŋku Asilii wulav Asalatəŋ kəna-tuyv cəne tō.

³ Ama Solopareeli na Yesuwa na Iseyeli lɔlɔŋ nyəəŋ nyəma ləlaa pa cəwa sı: Pə ta muna sı í səna-tu na tə ηma tá Iso ke təsele. Ta tike tu ηmana-ı. Mpi tō, pə kə tá Iso Tacaa təsele kə. Pɛɛsı wulav səsə Silusi maɣamaɣa ka sı mpygú.

⁴ Mpygú kolontunaa mpe pa maɣasaa sı pa nyaasəyi Yuta nyəma na pə yəəli pa apalvtu na pá yele Iso təsele ηmav. ⁵ Haləna pá ha wulav waali nyəma ke liyitee sı pá wakəli Yuta nyəma təmle ke pə kraɣav Pɛɛsı wulav Silusi pəəle haləna pə tala Taliyusi waatu.

Pa kula Yuta nyəma waali ke wulav Atakəsɛsɛɛ kiŋ

⁶ Mpygú Yuta nyəma kolontunaa ηmaa Atakəsɛsɛɛ ke takəlaya ke ı kawulaya kancaalaya waatu na pá suu Yosalem na Yuta tetv nyəma ke təm.

⁷ Uəna Piselam, na Mitəletati, na Tapeyele, na pa taapalaa pá ηmaa wulav Atakəsɛsɛɛ tətə na Alaamee təm taa na tə ηmaatu pee.

⁸ Mıpyó həyólvyu ηkv kv kvfənee Lehum na ι takəlası ηmaalv Simesayi pa ηmaawa wulav Atakəseseε tətəyó Yosalem təm sı:

⁹ Taya həyólvyu kvfənee Lehum na ι waalı tv Simesayi, na tá taapalaa mpa ta tə wε Tıη, na Afasataki, na Taapeli na Afalası, na İleki, na Papiloni, na Susi, na Teha, na İlam pə həyóləη taa tə. ¹⁰ Na yəlaa lelaa mpa Asilii wulav səsə lelv Asənapaa ka kpaγaa na í sı Samalii acalε taa na İfəlatı pəyó tətə kvkaasətv nti tə wena ilim tətvlε həyólvyu təə tə na lentənaa tə.

¹¹ Pa takələya ηke ka taa təm nté sı: Tacaa wulav Atakəseseε, taya nyá təmlε nyəma mpa pa wena İfəlatı pəyó kvten η na cəne təə tə.

¹² Ta heeliyina-η sı Yuta nyəma mpa pa lu nyá tε tə pa tala Yosalem cəne na pa taa wεε sı pa tayənəyi yəlaa asayaa na təə kullaa icatε ntεyε ηmaυ. Halı pa tεma kolunηa kite ke tayənvyu na pá ηmaaki. ¹³ Tacaa, nyı teu sı ye yəlaa panε pa ηmá pa icatε na tə koloosi, icatε nyəma kaa tasa lampuunaa fεlvvyu na liyitee kaa wεε kawulaya kpancoou taa. ¹⁴ Pə təə ké ta mpa tə lapa nyulelen η na tə ké nyá təmlε nyəma tə, ye tə nyənəyi isəna paa tvyvna-η tə pə wuki-tv. İle tə mayasəyi ké sı ¹⁵ η pεeki nyá caanaa takəlası kvpəηsı taa, n ká mayana sı icatε təne tə yəlaa ké asayaa ké. Tuu tə tə yəlaa ta hεεsı wulav səsə na həyólvyu kvfənee ke wakəlvvyu, na tə yəlaa kuləyi tεma təə ké tam ké. Pə mayamaγa pə təə ké tə yəkaa. ¹⁶ Tacaa, tə kpaaləyi-η sı, ye icatε təne na tə koloosi pə ηmawa, n kaa pəsi İfəlatı pəyó həyólvyu kvne.

Wulav Atakəseseε kvçəçətv

¹⁷ Wulav səsə ηmaaWa kufənεε Lehum na ι takəlası ηmaalv Simesayi na pa taapalaa mpa pa su Samalii na İfəlatı pəγə kvətəη tətə taa tə sı: Ma nyóma me, ma sεε-me.

¹⁸ Takəlaya ηka ι ηmaa-m tə pa teləsa-ke na pa kala-m. ¹⁹ Ma yelaa na pa pεεki ıcatε nte tə təm na pá ná tampana sı hatoo tə, Yosalem ıcatε nyóma kuləyi awulaa təw ké tam ké. ²⁰ Pə kaasa ıcatε nté tə, awulaa narəli pa təkayana kawulaya na pá ηmakələyi həγəlvγv ηkv kv nyóma, na pá mvyi-wεγε lampuunaa na pá feləyi-wε na pécó pá svvki pa tətə taa. ²¹ Mpu tə, í heeli Yuta nyóma sı pá səη na má hawa nəγə ıle pécó paa ηmá. ²² İ paasəna teu yoo, í taa too təm ntı tə təw. Pə taa kəw na pə tasa-tvγv wakəlvγv tətə.

²³ Too isu Lehum na ι takəlası ηmaalv Simesayi na pa taapalaa pa kalvγv wulav takəlaya tə, pu laki-wεγε ləη. Tənaγa pa pola kpakpaa na pá cáalı Yuta nyóma na təm ntı tə təη sı pá yele ηmav.

Pa tayanəyi İsə təsεε ke ηmav

²⁴ Mprúγú Yosalem İsə təsεεε ηmav səηaa haləna pə tala Pεεsı wulav Talıyusi kawulaya pənaya naale nyəηka.

5

¹ Mprúγú kvγaku nakvli İsə kvγəγətətə teləsəlv Asee na İtoo pəyalv İsə kvγəγətətə teləsəlv Sakalı pa polaa na pá yəγətəna Yuta na Yosalem nyóma na İseyeli İsə nəγə. ² İlena Selatəyeli pəyalv Solopapεeli na Yosataki pəyalv Yesuwa pá niki İsə təsεεεε ηmav ke Yosalem, na İsə kvγəγətətə teləsəlaa səna-wε.

³ Tənaçale İfəlatı pəçə həçələyüv küfənəe Tatənayi, na Seta-Posənayi, na pa taapalaa pa polaa na pə pəəsi Yuta nyəma si: Awe ha-meçe mpaav si í ημά Isə təsele na koloosi? ⁴ Pə wee si í heeli-tuyv mpa mpa pa ηmaaki isəntə tə pa həla.

⁵ Ama Isə we Yuta nyuyv nyəma waalı, ile pa ta pəsi pə səñsi pa təmlə, haləna pə heeli wulav Taliyusi ke pə təm na í cə-we.

Yuta nyəma kolontunaa kula pa waalı

⁶ Takəlaya ηka İfəlatı tetv küfənəe Tatənayi na Seta-Posənayi na ı taapalaa həçələyüv nyəñ nyəma pa ηmaa wulav səso Taliyusi təçələ ⁷ si:

Tacaa wulav səso Taliyusi, tə seə-η, nyana tetv.

⁸ Tə pola Yuta ke Isə təsele təñmale na tə mayana pa təñna-teçe ηmaav na pəe küsaakee. Pa kama kpeñkpelası ke koloosi taa. Pa təmlə tewaya, na tə təñna lapv ke ləñləñ. ⁹ Mprüçü tə nawa nyuyv nyəma na tə pəəsi-weçe wei ı ha-weçe nəçə si pə ηma Isə təsele na pə koloosi tə. ¹⁰ Halı tə pəosa-weçe mpa pa ké təmlə nyuyv nyəma tə pa həla si tə ηmaaki na tə kəna-η. ¹¹ İlena pə cə-tv si: Tə ké isətaa na ate pə Isə təmlə nyəma ké. Tə küsəçi Isə təsele nte İseçeli wulav səso nəçələv ı ka ηmawa ləñtaa təçə. ¹² Ama tá caanaa küsa isətaa Isə pəáná na íle ı tu-tuyv Papiloni wulav Nepukanəsaa niñ taa na í wakəli Isə təsele nte, na í kuu yələa na í tēna ı tē. ¹³ Pə waalı ké wulav Silusi ná ha nəçə ke íle ı kawulaya pənaçə kancaalaya nyəñka taa si tə tayanı-teçe ηmaav. ¹⁴ Nepukanəsaa ná kuu Isə təsele nte tə taa wula na nyəçətv küpantv na pə wontu ké, na í pona Papiloni na í su ı tuyv kutuluyv taa. Ama wulav səso Silusi ná kpaçə-ti na í cəla Səsepasaa wei ı kpawa Yuta küfənəe tə. ¹⁵ Na

í heeli-ı sı: ı polo í ηma Iso təseəle nteγe tə lonte kəpənte taa. Uəna pá su wontu nteγi pə taa. ¹⁶ Mpu pə lapəna na Sesepasaa polo Yosalem na í taalı Iso təseəle kite. Pə kpayav waatv ını tə pa təmlə təηna pote ké. Ama pə ta tēnta. ¹⁷ Pənentə ta caa, yele na pá pəeki Papiloni kawulaya takəlası taa na té ná sı Silusi ha nəγə ke tampana sı pá ηma Yosalem Iso təseəle íté yaa isəna. Ye n tēma mpv, ıle n heeli-tvγv nti n maγasaa tə.

6

Wulav Taliyusi kvcəcətv

¹ Mpuγú wulav səsə Taliyusi tv yəlaa sı pá pəeki Papiloni ıcate taa ké timpi pa sukı ləη takəlası na wontu kəpantv tə. ² Ama Metii həγəlvγv koləηa ıcate İpatanı taa ké pa hii takəlaya nakəli na pá ηmaa ka taa sı:

³ Wulav Silusi ka kpaala ı kawulaya pənaγa kancaalaya nyəηka taa sı, paa tayanı Iso təseəle ηmav ke tə kite kəpənte təə ké Yosalem na pá lakı tə taa ké kətasi. Tə kəηkəlvməη ká wəe məetələnaa hiu na naanəwa na tə wəη ke mpv tətə. ⁴ Paa ηma pəe kvsaakee ke cəesi tooso ké, na kpeηkpelası ke cəeγa. Kawulaya kpancoou liyitee ke paa lana. ⁵ Wəla na nyəγətv kəpantv wontu nti wulav Nepukanəsaa ka kpaγa Yosalem Iso təseəle taa na í pəna Papiloni tə, paa məηna-tı na pá sı-təγi tə lona taa.

⁶ Mpuγule Taliyusi ηmaa takəlaya ke İfəlatı pəγə tetv nyvγv tv Tatənayi na Seta-Posənayi na pa taapalaa həγəlvγv nyvγv nyəma sı: ı yele təm nti. ⁷ Pə wəe sı pá yele Yuta nyəma ké təpamm na pá ηma Iso təseəle. Tetv tv na Yuta nyvγv nyəma í səna

na pá ηma-teye tə lonte kəpənte taa. ⁸ Ma caa sı í səna-weye tə ηmav taa, na í feñ na í ləsəyi kawulaya kpancoou taa lampuunaa mpa yəlaa fəlaa tə na í cələyi-we, na təmlə í taa səñ. ⁹ İ paasəna teu na í cələyi Yosalem kətəlaa ke mpi pa nyuləyi tə, isu latəcenaa na iwaan na iweesi nsi pa lakəna kətasi ke isətaa Isə tə, na təyənaya na təm na nim. ¹⁰ Waatu inəyi paa pəsi na pá laki Isə ké kətasi nsi sı we-i səsəñ tə, na pá sələməna wulav səsə má na ma pəyalaa. ¹¹ Ye wei i ta təñ ma təm tənə, maa yele na pá ləsi i təyaya tesika na pá siki na pá həkə-i ka nyuyv taa na pá pəsi i təyaya ke hute. ¹² Ye wulav nəyəl vaa piitim napəli pə caa pə yəki Isə təseele nte yaa pə kisi ma təm, Isə wei inu i we Yosalem tə inu i ka həna pəntu ηkpanəyuv. Taliyusi má, ma suna mpv. İ təñ tə tənə tətetete.

¹³ Μρύγύ İfəlati pəyətə tetu nyuyv tu Tatənayi na Seta-Posənayi na pa taapalaa pa təña Taliyusi təm ntəyi teitei.

Isə təseele tvlyv

¹⁴ Μρύγύ Isə kuyəyətətu teləsulv Asee, na İtoo pəyalv Isə kuyəyətətu teləsulv Sakalı pa tasa Yuta nyéma ke apalətu na pá teesi Isə təseele ηmav na alaafəya, isu İseyeli Isə ka suw na Peesi awulaa səsaa Silusi na Taliyusi na Atakəseseə paa yəyətəyuv tə.

¹⁵ Μρύγύ pa teesa Isə təseele ηmav ke pa te isətu Ataa kuyeyəñ tooso wule ke Taliyusi kawulaya pənaya naatosə nyəñka taa. ¹⁶ İlena Yuta nyéma tənə, paa kətəlaa na Lefii nyéma ləlaa mpa pa luna Papiloni tə, pa təyə Isə təseele tvlyv acima na lanəhuləmlə səsəle. ¹⁷ Na pá la Taca ke kətaya ke wule nteye latəcenaa nunəwa (100), na iwaan ke ηmənəyuv (200), na iweesi ke nasəle (400), na pəñtvlnə ke naənəwa na naale.

Paə İseyeli kpekəle nteye kuləmuyv, sı İso í husı pa təna pa isayətv. ¹⁸ Mıpúyú pa fəya kətəlaa na Lefii nyəma ke kpeka na pə keesəna pa təma ke İso təmlə taa ké Yosalem ke teitei isı pa keesuyv Moisi takəlaya taa tə.

Yuta nyəma təkı Tεεν acıma

¹⁹ Mıpúyú pa təna mpa pa luna Papiloni tə pa təyə Tεεν acıma ke pa pənəya naale nyəηka isətv kancaalaya nyəη taa. ²⁰ Na kətəlaa na Lefii nyəma pa krenti na pá la nyəη tə əsilima keeluyv kətəya na pa təna pá wε tənəηη. İlena Lefii nyəma kv pa na kətəlaa na İseyeli nyəma pa tə ké Tεεν acıma iwεεsi isı pa tu lakı tə. ²¹ Mıpúyú mpa pa luna Papiloni tə, na mpa pa kisa cefelitu na pá krentəna pa tətənaa ke İseyeli İso sεεv taa tə pa təna pa təyə Tεεν acıma. ²² Pə waalı ké pa təyə kükusum fεi kakalası acıma ke kuyεη naatosompəyəlaya na lanhuləmle. Pa lanhuləmle nyuyv nté sı Tacaa ka lapa na wulav lanle hεena-wε. Mpu pə hana-wεye apəlvv na pá niki İso təsεele ηmav.

7

Kətvlv Isətəlası təm

¹⁻⁶ Pεεsi wulav səsə Atakəsεsεε kawulaya waətv taa ké nəyəlv wei pa yaa sı Isətəlası tə ı luna Papiloni. ı ka ké Selaya pəyalv ké, ı ləlvuyv nyəma nté kətvlv səsə Aləη, na İlasaa, na Pənhası, na Apısuwa, na Puki, na Usı, na Selaya, na Melayətı, na Asaliya, na Amaləya, na Ahıtupı, na Satəkı, na Salum, na Hilikiya, na Asaliya. İsətəlası ka nyəmə takəlası kaluyv ké na í nyəmə İseyeli İso kiıη wei ilé ı ka hula Moisi tə. Tacaa ka lapaya na Isətəlası nyuyv kulı, na í sələma wulav ke

mpi ílé ı la-wı. ⁷ Waatu wei İseyeli yəlaa, na kətəlaa, na Lefii nyəma, na yonyoolaa, na İso təsele nənəəsi tanlaa, na pə təmlə nyəma səkpema məla Yosalem ke Atakəsesee kawulaya pənaya naatosompəyəlaya nyənkə taa ⁸ təyə İsatəlası tala Yosalem ke pa kiñ ke isətu kakpası nyəñ taa. ⁹ İso tu kancaalaya nyəñ kuyaku kancaalaya nyəñku ke ı ka sıwa sı ı ká kuli Papiloni. İlena İso kenti ı təə na í tala Yosalem ke isətu kakpası nyəñ kuyaku kancaalaya nyəñku. ¹⁰ İsatəlası ka seesa isəle na Tacaə təm kalvuy ké, na tə taa welisuyu, na í təkə-tı na í seyəseyi İseyeli nyəma ke İso kiñ na ı kəsəsutu.

Təma nna Atakəsesee tv İsatəlası tə

¹¹ Takəlaya nka wulav Atakəsesee nmaa kətulv İsatəlası wei ı ke Tacaə kiñ na ı kətütütü pə tv təyəle sı:

¹² Məya awulaa wulav Atakəsesee, má nmaana takəlaya kaneyə isətəə İso kiñ nyəntü kətulv İsatəlası.

¹³ Ma caə sı pá yele ma tetü tənə İseyeli nyəma mpa pa səəla Yosalem pote tə na nyana-we í tē. Pə kpağav İso təmlə sənlaa na kətəlaa na Lefii nyəma tə. ¹⁴ Ma mayamaya na ma layatv tasəlaa naatosompəyəlaya tə tiliyina-ñ Yosalem ke Yuta tetü taa na nı ná isəna yəlaa paəsəyəna nyá İso wei ı kiñ n təkə nyá niñ taa tə ı təm tə. ¹⁵ Pəyele tu cəle-ñ wula na liyitee nna má na ma layatv tasəlaa tu ha İso wei ı təsele we Yosalem taa tə. ¹⁶ Na nı krentəna tətəyə liyitee na wula wei Papiloni həyəlvuy nyəma caawa na nna İseyeli nyəma na kətəlaa na İso təmlə sənlaa hana luyv kolumvuy sı pá tayanəna İso təsele tə. ¹⁷ Ye n tala tənə n ká yana latəcənəə, na ıwaan yaa ıweesi, na pə tənə mpi n ka lana hatəmutv kətəsi na sulum pə

nyənsı ke mə İso kətaya təlate təo kə Yosalem tə. ¹⁸ Pə waalı İle nyana nyá taapalaa í ká lana liyitee na wula kukaasv ke isəna İso ká huli-me tə. ¹⁹ İlena í su İso təsele taa kə İso nyənası nsi pa cəla-ı tə. ²⁰ Ye pə wəe sı í tasa pulpuyv yapv ke pə təm taa, İle kawulaya krancoou taa kə n ká ləsi na í yana.

²¹ Mpyú wulav səsə Atakəsese tasaa sı: Ma tıyı İfəlatı pəyo ilim tətule təo tətü krancoou nyəma təna sı ye isətaa İso kiıı nyəntú kətulv İsatəlası í sələma mpi pá lapı-ı-wəyi teitei. ²² Pá cəla-ı liyitee nyəyətü ke tənənəa tooso, na təyənəya ke tənənəa iyisi hiu na naanəwa (3000), na suləm ke liitilinaa iyisi liyiti (4000), na nim ke liitilinaa ke iyisi liyiti (4000) tətə, na təm ke isəna pa səlāa tə. ²³ Paa la İsu İso taa İso kəesəyü ı təsele təm təyo teitei kə, pəcə pə taa kəə na İso mənə ma maɣaməya yaa ma luləyü nyəma yaa ma tətü nyəma na pááná. ²⁴ Pəle pə paasi tə kpaaləyi krancoou nyəma təna sı pə fei sı pá mv lampuu ke kətəlaa yaa Lefii nyəma yaa yonyoolaa yaa İso təsele nənəəsı tanlaa yaa İso təsele təmle nyəma səkpəma taa nəyəlv.

²⁵ İsatəlası nyaa la İsu İso wei ı ləmayasəe n wəna tə, na í kpa mpa paa həkəna pəyo ilim tətule təo nyəma mpa pa təna pa nyəma nyá İso kiıı tə, na mpa pele pa ta nyəmı-ı tə, í huli-wəyε-ı. ²⁶ Ama ye wei í kisa İso na wulav pa kiıı ke təkuyv pa hə ı ıkpaııyü İsu pə mənəa tə. Paa kuyv, paa təyənəyü, paa ı wənəv İlekuyv, yaa saləka tıyü.

Isətəlası sēv ke İso

²⁷ Mpyú İsatəlası sēwa İso sı: Ma sēe ta Səsə İso Tacaa ke timpi n tıwa wulav səsə taa sı í kvsı Yosalem İso təsele nyuyv tə. ²⁸ Tacaa n lapa-m kupantü ke

wulav na ı layatv tasəlaa na ı waalı nyəma səsaa pa ısentaa. Uəna nyá kentuyv mpi pə səəsi maya apalv, na má kpeyeli İseyeli nyuyv nyəma təna, na má na-we tə polo Yosalem.

8

Isətəlası taapalaa

¹ Mıpyú Isətəlası yəğətta sı: Má na yəlaa mpa tə lu Papiloni na tə polo Yosalem ke wulav səso Atakəseseə kawulaya waatv taa təyələ:

² Pənhası ləlvəv tv Keesəm, na Itamaa ləlvəv tv Taniyəli, na Tafiiti ləlvəv tv Hatusi,

³ na Sekaniya pəyalaa taa lelv na Paləki ləlvəv tv Sakalı na ilé ı ləlvəv taa yəlaa ke nunəwa na nule na naanəwa (150).

⁴ Na Pahatı-Mowarv ləlvəv tv Selaya pəyalv İlyohenayi na pə səəsəna yəlaa ɣmənuyv (200).

⁵ Na Satu ləlvəv tv Yasiyeli pəyalv Sekaniya na yəlaa ke ɣmənuyv nunəwa (300),

⁶ na Atinı ləlvəv tv Yonatan pəyalv İpeti na yəlaa ke nule na naanəwa,

⁷ na İlam ləlvəv tv Ataliya pəyalv Yesaya na yəlaa nutoso na naanəwa,

⁸ na Sefatiya ləlvəv tv Mikayeli pəyalv Sepatiya na yəlaa nunaasa,

⁹ na Yowarv ləlvəv tv Yehiyeli pəyalv Opatiya, na yəlaa ɣmənuyv na pələfəi hiu (218),

¹⁰ na Pani ləlvəv tv Yosifiya pəyalv Selomitı na yəlaa nunəwa na nutoso (160),

¹¹ na Pepayi kpekəle tv Pepayi pəyalv Sakalı na yəlaa pələfəi hiu na naanəwa,

¹² na Asəkətı ləlvəv tv Hakatan pəyalv Yohanan na yəlaa ke nunəwa na naanəwa (110),

13 na Atonikam ləlvəŋ nyəma kantəkaya nyəma
 lilefeti na Yehiyeli na Semaya na yəlaa nutoso,
 14 na Pikifayi ləlvəŋ nyəma Utayi na Sakuu na yəlaa
 nutoso na naanwə.

Yosalem pote mpaav taɣanvɔv

15 M'p'ɔg'ɔ Isətəlası tasaa si: Ma kpɛyela yəlaa
 tənaya ləw ɲku ku tənəgəna Ahafa tə ku nəgə na tə
 siki tənaya kuyeyi tooso. Tənaya ma paasənna si
 sənlaa na kətəlaa paa wɛ pə taa. Ama Lefii tu nəgəlv
 i fɛi. 16 Ntɛna má tu təmle kɛ nyuvu nyəma lliyesɛɛ na
 Aləyeli na Semaya na lənataŋ na Yalipi na lənataŋ
 na Nataŋ na Sakali na Mesulam na kiiu sɛyɛsəlaa
 naale, Yoyalipi na lənataŋ 17 na má heeli-wɛ si: ɪ
 polo Kasifiya nyəma nyuvu tu ltoɔ tɛ na má keesi-
 meye nti í ká heeli í na i taapalaa na ləw təsɛɛle sənlaa
 mpa pa wɛ tənə tə. Uɛna í kəna-tuvu tá ləw təsɛɛle
 təmle lataa. 18 M'p'ɔg'ɔ tá ləw kenta tá təw na pá pəsi na
 pá kəna Malii na Lefii pa ləlvəŋ tu Selepiya. Yakərv
 pəyalv kɛɛ, i pəyalaa na i newaa pa wɛ pələfɛi hiu.
 19 Uɛna pə səsɛ Melali ləlvəŋ tu Hasapiya na Yesaya
 na i newaa na pa pəyalaa, pa wɛ hiu. 20 Na pá kəna
 tətəgə yəlaa ɲmuvuvu na hiu (220) mpa pa ləsa ləw
 təsɛɛle sənlaa səkɛpema taa tə. Mɛ inəg'i Tafii na i
 taapalaa paa cɛla Lefii nyəma.

21 M'p'ɔg'ɔ ma təma si tə həkə nəsɛ kɛ tá tənaya
 Ahafa ləw nəgə tənə, na pə húlí si tə pasa ta təg'i ta ləw
 isɛntaa, na ílé i yele na tá na tá nyəma na tá wontu na
 tá mpaav la teu. 22 Pu wɛ-m fɛɛɛ si má yəgətɛ wulav
 na í yele na yoolaa na kpaɣanəŋ ɔaɣalaa si-tuvu tá
 kolontunaa təw. Ama tə heela-i təfoo si tá ləw kentiɣi
 i yəlaa tənə təw kɛ, na í mɔv pááná na mpa pa ləwki-i

tə. ²³ Mıpúyú tə həka nəəsı na tə sələmı İso sı í waası-tu na ílé í mu tá kusələmütü.

²⁴ Pə waalı ké ma kpağa kətəlaa səsaa taa ké naanüwa na naale, na pə səsəna Selepiya na Hasapiya na pa taapalaa ke naanüwa. ²⁵ İlena má mayası pa isentaa ke liyitee nyəğətu na wula na wontu kəpantü nti wulav səsə na í layatv tasəlaa na í waalı nyəma na tetü taa İseyeli nyəma ka hawa sı pá ηmana tá İso təsele tə. ²⁶ Na má cəle-wəye liyitee nyəğətu ke tənənəa hiu na tə wontu ke tənənəa tooso, na wula ke tənənəa tooso tətə, ²⁷ na wula cəmsənəa ke hiu, pa liyitee wə isü wula nyəğətu iyaga, na nyəğəlvü küseemüvü həesi nsi sı tewa isü wula na sı müvi kəkə təğə naale. ²⁸ Mıpúyú ma heela-wə sı: Teitei isü mə kev İso təmlə lataa tə, mpv tətəğə wontu tənə tə ké İso nyəntü. Liyitee na wulanəa pə ké lüvü külmüvü kücəvü ηku yəlaa lapa mə cəsənəa İso Tacaə təğə. ²⁹ İ paasəna kpancoou ηküvü teu, haləna Yosalem. İ tala tənə ilé í mayası-təyi kətəlaa səsaa na Lefii nyəma na lülvə nyəvə nyəma pa isentaa ké İso təsele kutuluv lələv taa.

³⁰ Mıpúyú kətəlaa na Lefii nyəma pa paasəna wula na liyitee nna pa mayasa mpv tə, na wontu kəpantü nti na pá pona-təyi Yosalem ke ta İso təsele taa.

Isətəlası-wə pa tate ke Yosalem

³¹ Mıpúyú tə küla Ahafa ləvü nəğə ke isətv kancaalaya nyəv küyevəv naanüwa na naale nyəvku wule na tə tēv Yosalem. Tá İso ka wə tá waalı ké tá mpaav tənə taa ké na í təğənəyi tá kolontunəa na ηmulaa mpa pa cəsəyi-tv tə. ³² Tə tala Yosalem ilena tə həesi küyevəv tooso. ³³ İlena tə mayası liyitee nyəğətu na pə wontu kəpantü ke küyaku liyiti

nyəŋku wule ke tá Isə təsele taa na tə cəla Uliya pəyalb kətulb Meleməti wei na Penhası pəyalb Ulasaa paa wəe tə, na Lefii nyəma Yesuwa pəyalb Yosapatı na Pinuwi pəyalb Noyatiya. ³⁴ M'p'og'og' pa kala pə təna na pá mayası na pá ŋmaa.

³⁵ Pa təna mpa pa luna Papiloni tə mpe pa lapəna Isə ké kətasi na lseyeli nyəma təna həte taa ké latəcenaa naanəwa na naale na iwaan ke nunaasa na naanəwa na naatosə, na pá la kətasi nsi kəkə lusa sı təna təgə iwəesi nutoso na naanəwa na naatosompəgəlaya, na isayətu husuyv nyənsi ke pəŋtəlvəŋ naanəwa na naale. Tacaa ke pa wəpa wontu nti tə təna. ³⁶ Pəle pə waalı ké pa kəesa nti wuləv təwa lfəlatı pəgə na ilim tətule tə tetv nyəəŋ nyəma tə. İlena pəle pá səna lseyeli nyəma ke Isə təsele ŋmav təm taa.

9

Yuta nyəma pəyalə kpağav ke kpaı alaa

¹ Pəle pə waalı ké nyuyv nyəma napəli pa kəma na pá heeli-m sı paa lseyeli nyəma yaa kətəlaa yaa Lefii nyəma, pa ta fayana tetv nyəma ma ta nyi isənaa, pa kəena acaalətv nti Kanaan nyəma na Hiti nyəma na Peliisi nyəma na Yəpusi nyəma na Amoni nyəma na Mowapv nyəma na Icipiti nyəma na Amolii nyəma pa lakı təgə. ² lseyeli nyəma na pa piya pa kpağa piitimnaa mpe pa taa ké alaa ké, haləna pana kpaı nyəma mpe pa piitim siti. Pə tağa nyuyv nyəma na səsaa mpe pa caaləna kutakəesətv ntəyi lapv.

³ Waatv wei ma nu təm nti, ilena ma lanle pəsi na má cəli ma kpaı na ma wontu, na má kpesi ma nyəəsi na ma tantuyv na ma təli taməğə ⁴ke mpv, haləna saa

wei pa lakı taanaya kətaya tə. M̄p̄ȳḡȳ İseyeli nyəma mpa pa təna pa nyanaya sı İso ká hə mpa pa luna Papiloni tə pa ηkpaηȳȳu ke pa isayatu tə tə, pa kəma na pá kotina-m.

Isətəlası sələmənaw ke asayaa

⁵ M̄p̄ȳḡȳ ma kula taanaya kətaya waatu na ma laηpəsəle n̄t̄é, na ma təə na ma wontu kucələtu nti, na má luη akula na má teye ma İso Tacaa ke niη ⁶ na ma sələmi-ti sı: Hai, ma İso, ma laηle wakəlaa ké, fəele u tisiyi sı má kvsı ma ise na má nyəni-η. Hai, tá isayatu kaa huγule ké na t̄é kaləsəna isətənȳȳu na t̄é liki-tu. ⁷ Too p̄ə kpaγav tá caanaa p̄əle taa na p̄ə suna saηa tə tə lapa isayatu səsəəntu ké. Pə təə ké awulaa kpai nyəma ηmakəla tá na tá awulaa na tá kətəlaa na pá yoonə-tu na pá kuu tana tá wontu isu saηa pə wəv isəntə tə. ⁸ Ama nəəñə Tacaa tá İso nyá, nyá hula-tuȳu p̄elee ke wəe naale na n̄ yele sı tá taa kukaasaa í məli na pá caya nyá tetu taa na n̄ cə-tuȳu tá yomle na tá isəntaa h̄eti na t̄ə feesi t̄əfuu. ⁹ Tampana təə, tu ké yomaa ké, ıle tá İso nyá, n ta lə-tu. Nyá yelina na P̄eesi awulaa səsaa na tá p̄ət̄ət̄əle na pá yele sı t̄é məli tá wule taa, na t̄é kvsı nyá t̄əs̄eēle ncaale na t̄é wəena t̄əc̄əs̄əle kupante ke Yosalem na Yuta taa.

¹⁰ Təv, tá İso, wentiyi tu tasa yəγətuȳu ke t̄əne tə təə? Tə taa t̄əki nyá kvs̄əsutu ¹¹ nti n teləsə-tu na nyá kvyəγətutu teləsəlaa nəγə tə. Halı n ka kpaala-tu sı tetu nti tə taa t̄ə puki mp̄u tə t̄ə ké asilima ké. Tə yəlaa ké acaaləη ké, ılena pá suuli-t̄əyi acaalətu. ¹² P̄əc̄ə t̄ə taa ha tá p̄eēlaa ke tetu nti tə yəlaa piya yaa t̄é caa pa p̄eēlaa ke tá p̄əyalaa. P̄əyele t̄é taa p̄eēki pa alaaf̄əya yaa isəna pu cayanə-wə tə. Waatu in̄əyi tu p̄əsi yəlaa ton̄tunaa, na tetu t̄əne tə nyəma p̄əsi

tá na tá piya tá nyəm. ¹³ Hai, Tacaá, tá yaasi isayav na tá kawalaya səsaya kənnə-tuyv wahala inε, paá na mpv n ta kəsəna tá isayav na n feli-tv. Halı taya n kaasaa na n mələna-tuyv cənε. ¹⁴ İle isənaya tu tayanı kisuyu ke nyá kəsəsutv na tá na acaaləy piitim mpi té kprakəyi təma? Ye tə lapa mpv, n kaá mv pááná na n kpiisi-tv? ¹⁵ Saŋa isəntə, kəpantv səsəəntv ke n lapa-tv, na n yele sı tá taa kukaasaa í wεena weesinj. Tə səhna nteyε nyá isəntaa na tá isayav, pəcə pə fei sı n yele yulv ke mpv na i weesuyu.

10

Yuta nyəma təyənuyv ke kpaí alaa

¹ Waatv wei Isətəlası ná luŋa İso təsεεε isəntaa na í sələməyi na í wiikina İso sı í waası-wε, iləna İseyeli nyəma tuutuuma, apalaa na alaa na piya pá kotina-ı, na pá wii təkpoó. ² Mıpóyó İlam ləlyuv tv Yehiyeli pəyalv Sekaniya təma Isətəlası sı: Tə pəntəna İso ké səsəm ke timpı tə kpaaya alaa kpaí nyəma təyə. Paá na mpv tə İseyeli nyəma wεε na pá tεələyi. ³ İle pə wεε sı té su nəəsı ke İso isəntaa na té təyənı alaa mpe pa təna na pa piya. Tu təy layav nti nyana mpa í təhəyi İso kəsəsutv ke teu tə í taa-tv təyə. Pə wεε sı té təkı İso kiiu ké. ⁴ Mpv tə, kulı na n təkı təm ntəyi niŋ naale. Ta səəlv puwa sı tu wεε nyá waalı, taa la sika.

⁵ Mıpóyó Isətəlası kulaa na í tə kətəlaa nyuyv nyəma na Lefii nyəma na İseyeli nyəma təna sı: İ su nəəsı sı í ká təy nti Sekaniya yəyətəa tə. İləna pa təna pá su mpv. ⁶ Mıpóyó Isətəlası kulə İso təsεεε kataya taa na í polo İliyasipi pəyalv Yohanan tε na í caya. İ lanle wakələna i taapalaa isayav səsəəntv ke katatələya, haləna í kisi təyənaya na ləm.

7 İlena pá heeli Yosalem na Yuta tətü təna taa sı mpa pa luna Papiloni tə, pá koti Yosalem. 8 Ye kuyeyə tooso tēwa na nəğəlv ta polo isü nyuyü nyəma na səsaa pa sıw tə, isü pa lēka püntü wēnav təna na pá ləsi-ı lēlaa taa.

9 Kuyeyə tooso inı ı taa ké Yuta na Pēncamee apalaa pola Yosalem ke isətu pəğəlayafəi nyəğ kuyaku hiu nyəğku wule, na pá koti İso tēsēle katayə taa na pa təna pá seliyi təm nti tətə. Pəć pə kaası tēv təğə nuw tətə. 10 Mpuğvle İsətəlası kulaa na í tə-we sı: İseyeli nyəma mə, í kpağav kpaı alaa mpe tə, í lapa isayətv səsəntü ké. İsayətv ke í səsəği tá yələa nyəntü tə. 11 Pənente pə wēe sı paa wei í ná kawaləğə ħka ı lapa tá cəsənaa İso Tacaa tə, na í təkı ı luyü nyəntü na mənə tətü tənə tə nyəma í taa kaa pulv, na í kisi mə alaa mpe.

12 Ntəna kotilaa təna krentı na pá yəğətəna nəğə səsaya sı: Tampana ke n yəğətəa, tu la isü n yəğətvuyü tə. 13 Pəyele tə wēe pəğale, anı pə ké yoluma ntə, pə fəi sı tē səğ ħpəğy əwali. Pə kaası ıle pə tayə kuyaku kuləmvuyü yaa naale taa ké tá təm ká tayanı. Mpi tə, tá pəğale wēnna tə taa. 14 Mpu tə, tá nyuyü nyəma í səğna İseyeli nyəma təna nəğə na pá sı mpa pa kpağə kpaı alaa mpe təğə kuyaku ħku paa polo pá na pa acalēe səsaa na pə ħvələa pa kiğ tə. İlena tē paasəna təm nti, ħaləna Tacaa ħēesi ı pāánə səsəna ke tá tə.

15 ħpəğy pa təna pa mv təm nti. Ama Asayeli pəğəlv Yonatanə na Tikifa pəğəlv Yasiya pa kisina. İlena Mesulam na Lefii tv Sapetayi pá sēna pa tə. 16 Pa təna mpa pa luna Papiloni tə pa mv-təği mpu, ılena kətəlv İsətəlası ləsi paa ləlvuyü ħku kv taa ké nyəğə nyəma, na mpe inı pá cəğə isətv naanəwa

nyəḡ kuyaku kancaalaya nyəḡku wule sı pa taɣanəyi təm nti tə tənə. ¹⁷ M̄p̄ȳḡ pa tɛma kpaɪ alaa mpe pa təm huuu ke p̄naya naale nyəḡka ɪsətu kancaalaya nyəḡ kuyaku kancaalaya nyəḡku wule.

Yuta nyóma mpa pa kpaɣa kpaɪ alaa tə pa həla

¹⁸ Kətəlaa mpa pa kpaɣa cefelinaa təɣəle Yesuwa lɔlɔɣu nyóma na ɪ newaa, Yosataki p̄əyala, Maaseya, na Uliyesee, na Yalipi, na Ketaliya. ¹⁹ M̄p̄ȳḡ pa tisa na pá kisi pa alaa mpe na pá lá ɪsə kətaya ke ɪwaav na ɪsə huusi pa ɪsəɣatv.

²⁰ Imee lɔlɔɣu nyóma Hanani, na Sepatiya,

²¹ na Halim lɔlɔɣu nyóma Maaseya, Uliya, na Semaya, na Yehiyeli, na Usiya,

²² na Pasehuu lɔlɔɣu nyóma Uliyohenayi, na Maaseya, na ɪsəmayeli, na Netaneyeli, na Yosapati, na ɪlasaa.

²³ Lefii nyóma taa ka we Yosapati, na Simeyi, na Kelaya wei pa yaa tətə sı Kelita tə, na Petahiya, na Yehuta na Uliyesee.

²⁴ Yonyoola taa ké Uliyasipi. Nənəəsi taɣlaa taa ké Salum, na Telem, na Ulii.

²⁵ ɪseyeli nyóma lɛlaa taa ka we Paləsi lɔlɔɣu nyóma, Lamia, na ɪsiya, na Maləkiya, na Miyameɣ, na ɪlasaa, na Maləkiya, na Penaya,

²⁶ na ɪlam lɔlɔɣu nyóma, Mataniya, na Sakalı, na Yehiyeli, na Apəti, na Yeleməti, na Uliya,

²⁷ na Satu lɔlɔɣu nyóma, Uliyohenayi, na Uliyasipi, na Mataniya, na Yeloməti, na Sapati, na Asisa,

²⁸ na Pepayi lɔlɔɣu nyóma, Yohanəɣ, na Hananiya, na Sapayi, na Atəlayi,

²⁹ na Pani lɔlɔɣu nyóma, Mesulam, na Maluki, na Ataya, na Yasupi, na Seyalı, na Yeleməti,

³⁰ na Pahatı-Mowarv lɔlvɔv nyəma, Atəna, na Kelalı, na Penaya, na Maaseya, na Mataniya, na Pəsələli, na Pinuwi, na Manasee,

³¹ na Halim lɔlvɔv nyəma, Iliyesee, na Isiya, na Maləkiya, na Semaya, na Simon,

³² na Pəncamee, na Maluki, na Semaliya,

³³ na Hasum lɔlvɔv nyəma, Matenayi, na Matata, na Sapatı, na Ilifeleti, na Yelemayi, na Manasee, na Simeyi,

³⁴ na Pani lɔlvɔv nyəma, Maatayi, na Aməlam, na Uveli, ³⁵ na Penaya, na Petiya, na Keluhu, ³⁶ na Faniya, na Meleməti, na Iliyasipi, ³⁷ na Mataniya, na Matenayi, na Yasayi, ³⁸ na Pani, na Pinuwi, na Simeyi, ³⁹ na Selemiya, na Natan, na Ataya, ⁴⁰ na Makənatəpayi, na Sasayi, Salayi, ⁴¹ na Asələli, na Selemiya, na Semaliya, ⁴² na Salum, na Amaliya, na Yosεεfv,

⁴³ na Nepo lɔlvɔv nyəma, Yeyieli, na Matatiya, na Sapatı na Sepina, na Yatayi, na Sowεeli, na Penaya.

⁴⁴ Pəne ini pə təna pə krayana əlaa krai nyəma, halı pə taa lələa na lula piya.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files dated 9 Oct 2020

ef14191a-91f7-51c1-ac89-7b93dd7c4377